

Հաշվետվություն

2017-2018 ուսումնական տարվա ընթացքում ՀՀ Արագածոտնի մարզպետարանի աշխատակազմի կրթության, մշակույթի և սպորտի վարչության կատարած աշխատանքների

(կրթության ոլորտ)

- 2017-2018 ուսումնական տարում մարզում գործել են մարզային ենթակայության 118 (80-ը՝ միջնակարգ, 38-ը՝ հիմնական), 1 հատուկ, և կրթության և գիտության նախարարության ենթակայության 3 ավագ (Աշտարակ, Թալին, Ապարան քաղաքներում) դպրոցներ, 5 մարզադպրոց, 2 արհեստագործական պետական ուսումնարան, 1 տարածաշրջանային պետական քոլեջ, 5 երաժշտական (Աշտարակ, Արագածավան, Ուջան, Թալին, Օշական), 4 արվեստի (Կոշ, Ապարան, Ոսկեվազ, Արագած), 2 գեղարվեստի (Աշտարակ, Թալին) և 1 պարարվեստի (Աշտարակ) դպրոցներ:


- Մարզում ձևավորվել է 1246 դասարան՝ 16 332 աշակերտով, առաջին դասարան ընդունվել 1803 աշակերտ:

- Դպրոցներն ըստ տեղակայության ունեն հետևյալ պատկերը.

սահմանամերձ	լեռնային	բարձր լեռնային	քաղաքային	գյուղական
2	22	40	13	109

- 2017-2018 ուսումնական տարում կրթության առանձնահատուկ պայմանների կարիք ունեցող երեխաներն ընդգրկվել են մարզում գործող **Աշտարակի թիվ 1 հատուկ դպրոց**, որտեղ կոմպլեկտավորվել է 9 դասարան՝ 54 աշակերտով, առաջին դասարան է հաճախել 5 աշակերտ: Նրանք ունեն բժշկահոգեբանամանկավարժական գնահատման եզրակացություն և վկայագիր:

- ՀՀ Արագածոտնի մարզպետարանի ենթակայության Աշտարակի թիվ 3, Թալինի թիվ 1, Արտենիի հիմնական, Աշնակի միջնակարգ (63 աշակերտ) և ՀՀ ԿԳՆ ենթակայության Աշտարակի ավագ դպրոցներում (2 աշակերտ) իրականացվել է **ներառական կրթություն**:



- 2017-2018 ուսումնական տարվա ընթացքում ՀՀ Արագածոտնի մարզպետը 29 որոշում է կայացրել մարզային ենթակայության Աշտարակի թիվ 1, Աշտարակի թիվ 2, Աշտարակի թիվ 4, Աշտարակի Վ. Պետրոսյանի անվան, Ապարանի թիվ 1, Ապարանի թիվ 2, Թալինի թիվ 1, Հակոյի, Միրաքի, Ավշենի

հիմնական և Գեղադիրի, Ագարակականի, Մաստարայի, Արագածականի թիվ 1, Հարթականի, Թաթուլի, Կարբիի, Բյուրականի, Ոսկեհատի, Ալագյազի, Սասունիկի, Կաթնաղբյուրի, Նորաշենի միջնակարգ դպրոցների կառավարման խորհուրդների կազմերում փոփոխություններ կատարելու մասին:

- ՀՀ Արագածոտնի մարզպետի առաջարկությամբ և ՀՀ կառավարության 12.10.2017թվականի N 1300-Ն որոշմամբ <<Լուսակնի հիմնական դպրոց>> ՊՈԱԿ-ը վերանվանվել է <<Լուսակնի միջնակարգ դպրոց>> ՊՈԱԿ և կատարվել են համապատասխան գրանցումներն ու փոփոխությունները: ՀՀ կառավարության 2018 թվականի հունվարի 25-ի N 54-Ն որոշմամբ, աշակերտներ չունենալու պատճառով, լուծարվել է <<Մեծաձորի հիմնական դպրոց>> ՊՈԱԿ-ը և համայնքի 5 երեխայի ուսուցումը կազմակերպվել է մոտ գտնվող Վերին Բազմաբերդ համայնքի դպրոցում:

- Մարզային ենթակայության Արագածականի թիվ 1 միջնակարգ և ՀՀ ԿԳՆ ենթակայության Աշտարակի ավագ դպրոցներն ընդգրկվել են <<Արարատյան բակալավրիատ>> կրթական ծրագրում:

- Պետական ուսումնական հաստատություններին օգտագործման իրավունքով հանձնված շենքերի, համայնքային սեփականություն հանդիսացող նախադպրոցական ուսումնական հաստատությունների շենքերի շահագործումը ՀՀ Արագածոտնի մարզում իրականացվում է ծառայողական նշանակությամբ: Շենքերն այլ նպատակներով չեն օգտագործվում: Մարզպետի կողմից չի կատարվել դպրոցական և նախադպրոցական շենքերի գույքի օտարում:

- 2017 թվականին ՀՀ Արագածոտնի մարզպետարանի ենթակայության հանրակրթական դպրոցներին պատկանող անշարժ գույքի՝ ՀՀ կառավարությանն առընթեր պետական գույքի կառավարման վարչություն հանձնելու գործընթացը շարունակվում է: Դպրոցական անշարժ գույքը ՀՀ ԿԱՊԳԿ վարչության տնօրինությանը հանձնած դպրոցների տնօրենները վարչության հետ կնքել են անհատույց օգտագործման պայմանագրեր:

Համաձայն ՀՀ վարչապետի 16.10.2014թ. թիվ 02/23.17/16802-14 հանձնարարականի՝ ժամանակին հավաքագրվել և **ՀՀ կառավարությանն առընթեր պետական գույքի կառավարման վարչություն** է ուղարկվել մարզի հանրակրթական դպրոցների ուսուցիչների տներում բնակվող բնակիչների համապատասխան փաստաթղթերի փաթեթը՝ բնակարանների և բնակելի տարածքների նվիրատվության գործընթացը կազմակերպելու համար: ՀՀ կառավարության որոշմամբ Մաստարայի միջնակարգ դպրոցին պատկանող ուսուցչական տունն արդեն հանձնվել է բնակիչներին՝ որպես նվիրատվություն: Հավաքագրվել և ժամանակին ՀՀ ԿԳՆ է ուղարկվել մարզի հանրակրթական ուսումնական հաստատություններին ամրացված տարածքների օգտագործման արդյունավետության վերաբերյալ տեղեկատվությունը:

- 2017թ. ՀՀ Արագածոտնի մարզի կրթական հաստատություններում կատարվել, ընթանում կամ նախատեսվում են շինարարական աշխատանքներ՝ պետական բյուջեի, <<Հայաստան>> համահայկական, Հայաստանի տարածքային զարգացման հիմնադրամների և այլ միջոցներով:

Դպրոցաշինության բնագավառում իրականացված, շարունակական և նախատեսվող ծրագրեր

h/h	Ծրագրի անվանումը	
ՀՀ ՔՆ պատվիրատվությամբ		
	գ.Արագածի թիվ 1 դպրոցի վերակառուցում	20,000.0
ՀՀ Արագածոտնի մարզպետարանի պատվիրատվությամբ		
	Կոշ համայնքի տարրական մասնաշենքի վերանորոգում	9,467.7
	Նոր Ամանոսի միջնակարգ դպրոցի վերակառուցման նախագծահետազոտական աշխատանքներ	10 000.0
	Թաթուլի դպրոցի սպորտային մասնաշենքի վերանորոգում	11,973.1
	Կաթնաղբյուրի դպրոցի վերանորոգում	17,802.8
	Ներքին Սասնաշենի դպրոցի տանիքի վերանորոգում	13,088.7
	Արտաշավանի մանկապարտեզի վերանորոգում	8,947.8
	Գեղաձորի մանկապարտեզի վերանորոգում -	8,932.9
	Լեռնապարի դպրոցի արտաքին ջրագծի կառուցում	5,016.1
	Ռյա Թազայի դպրոցի գազամատակարարման ավարտում	1,139.8
«Հայաստան» համահայկական հիմնադրամ		
	Աղծքի մանկապարտեզի կառուցում	169,000.0
	Աղծք համայնքի մանկապարտեզի տարածքի բարեկարգում	18 000.0
	Օշականի դպրոցի հիմնական մասնաշենքի ջեռուցման ներքին համակարգի վերակառուցում	14,971.5
Հայաստանի տարածքային զարգացման հիմնադրամ /ՀՏՀ/		
	Օհանավանի մանկապարտեզի վերակառուցում	125,000.0
	Փարպիի մանկապարտեզի վերակառուցում	61,000.0
	Ապարանի մանկապարտեզի տեղակայում դպրոցի վերակառուցվող մասնաշենքում	43,500.0
	Աշտարակի <<Արևիկ>> մանկապարտեզի վերակառուցում	127,900.0
	Թալինի թիվ 3 մանկապարտեզի վերակառուցում	87,400.0
	Ալազյազի դպրոցի վերակառուցում	10,000.0
	Ոսկեվազի մանկապարտեզի վերակառուցում	52,166.0
	Ուջանի մանկապարտեզի վերակառուցում	73,629.0

2018 թվականին կատարվել են Սասունիկի, Շենավանի միջնակարգ և Աշտարակի թիվ 1 հատուկ դպրոցների նախագծանախահաշվային փաստաթղթերի կազմման աշխատանքներ՝ նոր շենք կառուցելու համար: Հիմնանորոգման խիստ կարիք ունեն Նոր Եղեսիայի, Հնաբերդի , Գեղաձորի միջնակարգ և Աշտարակի Վ.Պետրոսյանի անվան հիմնական դպրոցները: Ներկայացվել է հայտ այդ դպրոցներում պետական բյուջեի միջոցներով շինարարություն կատարելու համար:

Կառուցվել են թեքահարթակներ Թալինի թիվ 1, Թալինի թիվ 2 հիմնական, Ծաղկահովտի, Աշնակի, Վարդենիսի միջնակարգ դպրոցներում: Թալինի թիվ 1 հիմնական և Վարդենիսի միջնակարգ դպրոցներում առկա են նաև հարմարեցված սանհանգույցներ՝ հաշմանդամություն ունեցող անձանց համար:

Մարզի 69 դպրոց ներգարվել է ՄԱԿ-ի ՊՀԾ-ն իրականացնելու համար նախատեսված բուֆետի և ճաշարանի վերանորոգման ծրագրում և իրականացրել շինարարական վերանորոգման աշխատանքները:

-Վարկանիշավորում անցկացնելու համար ժամանակին հավաքագրվել, ԿՏԱԿ-ին և ԿԳՆ է ներկայացվել տեղեկատվություն մարզի հանրակրթական բոլոր դպրոցների վերաբերյալ:

- Ընթացիկ ուսումնական տարում ՀՀ Արագածոտնի մարզպետի կարգադրությամբ կարգապահական տույժի /նկատողություն/ են ենթարկվել Կարբիի և Ոսկեհատի միջնակարգ դպրոցների տնօրենները՝ աշխատանքային պարտականությունները ոչ պատշաճ կատարելու համար:

- Մարզի Մուղնու, Միրաքի, Սորիկի հիմնական և Գառնահովտի, Գեղաձորի, Երնջատափի, Կարմրաշենի, Արագածավանի թիվ 1, Աղծքի, Հարթավանի, Կարբիի, Լեռնարոտի, Նոր Ամանոսի, Լուսակնի, Աշնակի, Թաթուլի միջնակարգ դպրոցների կառավարման խորհուրդները հայտարարել են մրցույթներ՝ դպրոցի տնօրենի թափուր տեղի համար: Մրցույթներում հաղթող ճանաչված մասնակցների հետ օրենքով սահմանված կարգով կնքվել են աշխատանքային պայմանագրեր: Մրցութային գործընթացը շարունակվում է Թալինի թիվ 1, Մուղնու, Սորիկի հիմնական, Կարմրաշենի, Կարբիի, Կաթնաղբյուրի, Լուսակնի, Աշնակի միջնակարգ դպրոցներում:

- 2010 թվականից ուսուցչի թափուր տեղը համալրելու համար անց են կացվում մրցույթներ՝ մարզային, հանրապետական ՁԼՄ-ներով սահմանված կարգով հայտարարություններ տպագրելով: Մարզի 76 հանրակրթական դպրոցում տարբեր առարկաներից հայտարարվել են ուսուցչի թափուր տեղի մրցույթներ: Մրցույթներում հաղթող ճանաչված մասնակցների հետ կնքվել են աշխատանքային պայմանագրեր: Մրցույթ չկայանալու կամ մրցույթի արդյունքում հաղթող չճանաչվելու դեպքում հայտարարվել է նոր մրցույթ:

Մարզպետարանը 2016 թվականից սերտորեն համագործակցում է <<Դասավանդիր Հայաստան>> հիմնադրամի հետ: Շամիրամի, Ցամաքասարի հիմնական և Արուճի միջնակարգ դպրոցներին այս տարի միացել են նաև Լեռնարոտի, Արագածավանի թիվ 1 և Արտենիի թիվ 1 միջնակարգ դպրոցները, որոնք աշխատանքային պայմանագրով ընդունել են հիմնադրամի կողմից գործուղված մասնագետներին:

- ՀՀ Արագածոտնի մարզում գործում է համայնքային ենթակայության 33 **նախադպրոցական ուսումնական հաստատություն**, որտեղ ձևավորվել է 95 խումբ՝ 2808 երեխայով, որոնցից 25-ը ազգային փոքրամասնության/եզդի/, 8-ը՝ կրթության առանձնահատուկ պայմանների կարիք ունեցող երեխաներ են:

Վերանորոգված նախադպրոցական ուսումնական հաստատությունները ապահովված են երեխաների տարիքային առանձնահատկություններին համապատասխանող գույքով, մեթոդական ձեռնարկներով, դիդակտիկ պարագաներով: ՀՀ կրթության մասին օրենսդրության և կրթության պետական կառավարման լիազորված մարմնի ընդունած նորմատիվ ակտերի կատարումը իրականացվում է մարզում գործող համայնքային ենթակայության նախադպրոցական ուսումնական հաստատությունների կողմից սահմանված ժամկետում: ՀՀ ԿԳ նախարարության կողմից ստացվել և բաշխվել է նախադպրոցական կրթական,

մեթոդական ձեռնարկներ, ուսումնառական ալլ նյութեր: Նոր մանկապարտեզ է բացվել Գեղաձոր համայնքում:

- ՀՀ Արագածոտնի մարզի 36 հանրակրթական դպրոցում գործում է **Նախակրթարան՝** 454 երեխայով, որտեղ իրականացվում է նախադպրոցական կրթություն՝ կրթական պետական չափորոշիչներին համապատասխան: Նախակրթարանները ապահովված են երեխաների տարիքային առանձնահատկություններին համապատասխանող գույքով, մեթոդական ձեռնարկներով, դիդակտիկ պարագաներով: Մարզի 8՝ Ավանի, Ուջանի, Աղծքի, Ագարակի, Ոսկեվազի, Կաթնաղբյուրի, Վարդենիսի միջնակարգ և Արայի հիմնական դպրոցներում <<Կրթության մատչելիության ծրագրի>> շրջանակներում բացվել են **Նախակրթարաններ**, ուր հաճախում է 116 երեխա: Նախադպրոցական տարիքի երեխաների կրթության որակը բարելավորելու նպատակով նախատեսվում է մարզի սահմանամերձ և բարձր լեռնային համայնքներում ևս բացել նախակրթարաններ:

Շամիրամի հիմնական դպրոցում գործում է նախակրթարան, ուր հաճախում է 13 եզդի երեխա:

- Մարզի դպրոցների լիցենզավորման աշխատանքները ընթացքի մեջ են: Սկսվել և ընթանում է նախակրթարանների լիցենզավորման գործընթացը:

- Մարզի սոցիալ-տնտեսական զարգացման համար ՀՀ Արագածոտնի մարզպետարանում ժամանակին վերլուծվել, ըստ ոլորտների հաշվառվել է **Նախնական մասնագիտական /արհեստագործական/ և միջին մասնագիտական կրթությամբ** անհրաժեշտ կադրերի պահանջարկը: Սահմանված ժամկետում ՀՀ տարածքային կառավարման և զարգացման և կրթության և գիտության նախարարություններ է ուղարկվել տեղեկատվություն մարզի տարբեր ոլորտներում անհրաժեշտ նախնական մասնագիտական /արհեստագործական/ և միջին մասնագիտական կրթությամբ 407 կադրի պահանջի վերաբերյալ:

- Մարզային ենթակայության ուսումնական **117** դպրոցից լոկալ ջեռուցմամբ ապահովված են **59-ը**, **26-ը** ջեռուցվում են էլեկտրական ջեռուցիչներով, իսկ **30-ը**՝ նավթի վառարաններով: Կատարվում են ուսումնասիրություններ ջեռուցման նոր սեգոնին նավթի վառարանները էլեկտրական ջեռուցիչներով փոխարինելու նպատակով:

- 2017-2018 ուսումնական տարում ՀՀ Արագածոտնի մարզում ժամանակին ստացվել և բաշխվել է 56 983 դասագիրք: 2017թվականի նոյեմբեր ամսից դասագրքերի և տեղեկատվական հաղորդակցման տեխնոլոգիաների շրջանառու հիմնադրամի կողմից մեկնարկել է ՀՀ հանրակրթական ծրագրեր իրականացնող հաստատությունների սովորողներին դասագրքերով ապահովելու գործընթացն ավտոմատացված համակարգով իրականացնելու ծրագիրը, որում ընդգրկված են մարզի բոլոր դպրոցները: Մարզի հանրակրթական ուսումնական հաստատությունների կողմից դասագրքերի և տեղեկատվական հաղորդակցման տեխնոլոգիաների շրջանառու հիմնադրամ /ԴՏՀՏՀ/ է փոխանցվել 54 046 670 դրամ: Մարզի հանրակրթական ուսումնական հաստատությունները **չունեն** դասագրքերի վարձավճարների պարտք: Մարզի համայնքներում գործող **ազգային փոքրամասնությունների** դպրոցները ապահովված են ՀՀ ԿԳՆ կողմից իրենց մայրենի լեզվով երաշխավորված համապատասխան դասագրքերով: ՀՀ Արագածոտնի մարզպետի կողմից հանձնարարվել է մարզի հանրակրթական դպրոցներին օգտագործել ՀՀ ԿԳՆ կողմից երաշխավորված ուսումնական գրականություն և ուսումնադիտողական պարագաներ: Մարզի հանրակրթական դպրոցների ուսուցիչներին և տնօրեններին են բաշխվել ուսումնամեթոդական

ծեռնարկներ, բոլոր դպրոցներն ապահովվել են մեթոդական գրականությամբ և տեղեկագրերով, առարկայական ծրագրերով:

- ՀՀ ԿԳ նախարարի **07.11.2017** N 1496-Ա հրամանով ձևավորված Արագածոտնի մարզի հանրակրթական ուսումնական հաստատությունների ուսուցիչների ատեստավորման հանձնաժողովի աշխատանքները սկսվել և ավարտվել են սահմանված ժամկետում: Ատեստավորման ենթակա **422** ուսուցչի համար հանձնաժողովը կայացրել է **<<համապատասխանում է զբաղեցրած պաշտոնին>>** որոշում:

- Մարզի հանրակրթական ուսումնական հաստատությունների **29** ուսուցիչ ունի որակավորման առաջին, 3-ը՝ որակավորման երկրորդ տարակարգ:

- Համագործակցելով միջազգային կազմակերպությունների հետ և անհատ բարերարների միջոցների հաշվին մարզի նախադպրոցական հաստատություններում և հանրակրթական դպրոցներում կատարվել են հետևյալ աշխատանքները.

✓ Երևանի <<Մխիթար Սեբաստացի>> կրթահամալիրի կազմակերպած տնօրենի, կազմակերպչի, դասվարի, դաստիարակի, <<Տեխնոլոգիա>>, <<Կերպարվեստ>>, <<Երաժշտություն>> առարկաների ուսուցիչների վերապատրաստման դասընթացներին մասնակցել են 60 դպրոցի մասնագետներ:

✓ <<Под общим небом>> միջազգային ասոցիացիայի և Բյուրականի աստղադիտարանի կողմից հայտարարված մրցույթում՝ Արտաշավանի, Անտառուտի և Բյուրականի միջնակարգ դպրոցների հաղթող ուսուցիչների համար իրականացվել է վերապատրաստման դասընթաց և նվիրել աստղադիտակ:

✓ **Global Aid Network** հոլանդական բարեգործական ընկերության կողմից Ուջանի, Սասունիկի, Կաթնաղբյուրի, Կաքավաձորի, Գառնահովիտի միջնակարգ և Թլիկի, Շամիրամի հիմնական դպրոցներին տրամադրվել է գույք՝ 29 733 50 եվրո ընդհանուր արժողությամբ:

✓ **<<Ձեզ համար>>** կազմակերպությունը՝ Պերկինս միջազգային կազմակերպության հետ համատեղ իրականացրել է ներառական կրթություն իրականացնող դպրոցների ուսուցիչների վերապատրաստում:

✓ **World Vision** միջազգային բարեգործական կազմակերպությունը իրականացրել է նախադպրոցական հաստատությունների աշխատողների վերապատրաստում Թալինի և Ապարանի տարածաշրջաններում: Կազմակերպությունը Ներքին Բազմաբերդի միջնակարգ դպրոցում կահավորել (1 119 500 դրամ) սենյակ, որտեղ գործում է <<IMPACT>> ակումբը, ուր հաճախում են դպրոցի տարբեր տարիքի աշակերտներ և քննարկում համայնքում առկա խնդիրները, իսկ Կաքավաձորի միջնակարգ դպրոցում նաև վերանորոգել է սենյակ, որտեղ ևս գործում է <<IMPACT>> ակումբը, ուր հաճախում են դպրոցի տարբեր տարիքի աշակերտներ և քննարկում համայնքում առկա խնդիրները: Կազմակերպությունը կազմակերպել է ամառային ճամբար Նոր Արթիկի միջնակարգ դպրոցի VI-IX դասարանների աշակերտների համար <<Իմ խաղաղության ճանապարհը>> թեմայով: «Վորլդ Վիժն» միջազգային բարեգործական կազմակերպությունը անցկացրել է վերապատրաստման դասընթացներ Արտենիի միջնակարգ (Անվտանգ համացանց) և Ցամաքասարի հիմնական դպրոցների ուսուցիչների և աշակերտների համար:

✓ **ՄԱԿ-ի խաղաղության կորպուսի** կամավորները անգլերենի անվճար դասընթացներ են կազմակերպում Աշտարակի և Թալինի տարածաշրջանների դպրոցներում:

- ✓ Մարզի 29 դպրոցում բացվել են էկո-խմբակներ: Ընթանում են բանակցություններ **Հայաստանում Ճապոնիայի դեսպանատան և <<Տապան>> էկո-ակումբի հետ՝ <<Grant Asistent for Grassroots Human Security Projects (GGP)>>** ծրագրի ներգրավմանը, որի արդյունքում 270500.000 դրամի աշխատանքներ կիրականացվեն դպրոցներում (պատուհանների փոխարինում, սանհանգույցների կառուցում/ վերանորոգում, պատին ամրացվող, անվտանգ էներգախնայող էլեկտրական ջեռուցիչների տեղադրում):
- ✓ **<<Ռուզոստրախ Արմենիա>>** ԱՓԲԸ-ի կողմից Աշտարակի Վ.Պետրոսյանի անվան հիմնական դպրոցի համակարգչային սենյակին տրամադրվել են տեխնիկա և գույք՝ մոտ 4 000 000 դրամին համարժեք:
- ✓ **<<COAF>>** հիմնադրամի (2 510 180 դրամ), Արագածավանի համայնքապետարանի (650 000 դրամ) և **<<Թալին>>** ԶՕԸ (400 000 դրամ) միջոցներով հիմնանորոգվել և կահավորվել է Արագածավանի թիվ 1 դպրոցի բուֆետը, ճաշարանը և ատամնակայանը: Հիմնադրամն Արտենիի միջնակարգ դպրոցում իրականացնում է **<<Առողջ ապրելակերպ>>** դասընթացը՝ 7-12-րդ դասարանների աշակերտների համար:
- ✓ **Հայ օգնության միությունը** ՀՀ Արագածոտնի մարզապետարանի հետ համագործակցության արդյունքում Սասունիկի միջնակարգ դպրոցի տարրական դասարանների աշակերտներին նվիրաբերել է տաք հագուստ:
- ✓ **<<VivaCell-MTS>>** կազմակերպության հետ համատեղ Արտենիի միջնակարգ դպրոցում կահավորել են ինտերակտիվ դասասենյակ (smart գրատախտակ, 6 համակարգիչ և կահույք):
- ✓ **Բելգիահայ բարերար Ռ. Արսլանյանի միջոցներով** 1 125 000 դրամի շրջանակներում վերանորոգվել է Թալինի թիվ 1 հիմնական դպրոցի ջրագիծը, կառուցվել է նոր՝ հաշմանդանություն ունեցող անձանց համար հարմարեցված, սանհանգույց, թեքահարթակ՝ դպրոցի մուտքի մոտ, նվիրաբերվել է ուսուցչական և աշակերտական կահույք, վերանորոգվել և կահավորվել է սենյակ՝ կրթության առանձնահատուկ պայմանների կարիք ունեցող աշակերտների համար, բարեկարգվել և սալիկապատվել է Հայրենական Մեծ պատերազմում զոհված ուսուցիչների՝ դպրոցի բակում կանգնեցված հուշարձանի տարածքը:
- 2014 թվականից Աշտարակի, Թալինի, Արագածի և Ապարանի տարածաշրջանների դպրոցները միացել են **dasaran.am** կայքին: Մարզի 119 դպրոցում գործում է ինտերնետային կապ: Հանրակրթական դպրոցներում ձևավորվել են հազեցած համակարգչային կաբինետներ: ԿՏԱԿ-ի հետ սերտ համագործակցության արդյունքում բոլոր դպրոցներն ունեն էլեկտրոնային հասցե **schools.am** տիրույթում, որը հնարավորություն է տալիս դպրոցներ հասցնել կրթության բնագավառի նորությունները, ինչպես նաև դպրոցներից ստանալ անհրաժեշտ տեղեկատվություն: Կայքէջերում լուսաբանվում է դպրոցներում իրականացվող ուսումնական, մշակութային և ֆիզիկական դաստիաջակության գործընթացը, սահմանված կարգով տեղադրվում բյուջեն, ֆինանսական եռամսյակային հաշվետվությունները և այլ փաստաթղթեր: Մարզի բոլոր դպրոցները սահմանված ժամկետում **ԿՏԱԿ-ին** են ներկայացրել պահանջվող հաշվետվությունների թղթային և էլեկտրոնային փաթեթները, որը մուտքագրվել է նաև **emis.am** կայքում:
- Սահմանված ժամկետում **aragatsotn.mta.gov.am** կայքում տեղադրվել է կրթության բնագավառում մարզապետարանի գործունեության մասին հաշվետվությունը: Մարզապետարանի աշխատակազմի կրթության, մշակույթի և սպորտի վարչության և մարզի հանրակրթական ուսումնական հաստատությունների

փոխադարձ էլեկտրոնային կապը պահպանվում է aragatsotn.krtutyun@mta.gov.am և դպրոցների պաշտոնական էլեկտրոնային հասցեների միջոցով: Մարզպետարանի և դպրոցական կայքէջերում սահմանված կարգով տեղադրվում են բյուջեի կանխատեսումը, եռամսյակային ֆինանսական հաշվետվությունները և պահանջվող այլ տեղեկատվություն: Դպրոցական կայքէջերում ակտիվորեն լուսաբանվում են դպրոցում անցկացվող հանրապետական, մարզային և դպրոցական միջոցառումները: ՀՀ Արագածոտնի մարզի հանրակրթական դպրոցների տնօրենների մրցույթների հայտարարությունները՝ դպրոցների կառավարման խորհուրդների նախագահների, իսկ ուսուցիչների թափուր տեղերի մրցույթների հայտարարությունները՝ տնօրենների կողմից համապատասխանաբար ժամանակին տեղադրվել են **մարզային և հանրապետական թերթերում, edu.am, azdarar.am, aragatsotn.mta.gov.am** կայքերում, <<Կրթություն>> շաբաթաթերթում, դպրոցների անհատական կայքէջերում: ՀՀ Արագածոտնի մարզի կրթության բնագավառում կատարված աշխատանքների և ձեռքբերումների մասին տեղեկատվություն է տպագրվում <<Կանթեղ>>, <<Արագած աշխարհ>>, <<Թալին աշխարհ>> և <<Դարձ>> մարզային թերթերում, մարզպետարանի պաշտոնական կայքէջում:

- Անց են կացվել <<Տարվա լավագույն տնօրեն, ուսուցիչ, դաստիարակ>>, ՀՀ ԿԳՆ և Հայ Առաքելական եկեղեցու համատեղ <<Լավագույն ուսուցիչ>> մրցույթները: <<Տարվա լավագույն>> մրցույթների անվանակարգերում մարզում լավագույն ճանաչվեցին Մաստարայի միջնակարգ դպրոցի տնօրեն Աննա Արսենյանը, Աշտարակի թիվ 2 հիմնական դպրոցի ինֆորմատիկայի ուսուցչուհի Նարինե Մեսրոպյանը և Աշտարակի <<Արաքս Մուրադյանի անվան մանկապարտեզի>> դաստիարակ Գոհար Արշակյանը:

- Մեր դպրոցականները ակտիվորեն մասնակցեցին դպրոցականների առարկայական օլիմպիադաներին և գրանցեցին հաջողություններ հանրապետական փուլում .

2-րդ կարգ – Գրիգորյան Սուսաննա /Ներքին Սասնաշենի միջնակարգ դպրոց/- ֆրանսերեն

Թառումյան Աշոտ /Աշտարակի ավագ դպրոց/ - անգլերեն

3-րդ կարգ – Միրզոյան Մարի /Աշտարակի ավագ դպրոց/- ռ.լեզու

Գովասանագիր – Հայրապետյան Ռաֆիկ /Օշականի միջնակարգ դպրոց/- կենսաբանություն

Ղազարյան Նորիկ /Եղիապատրուշի միջնակարգ դպրոց/- պատմություն

Դավթյան Տաթևիկ /Ծաղկահովտի միջնակարգ դպրոց/- աշխարհագրություն

Թառումյան Լիլիթ /Աշտարակի ավագ դպրոց/ - անգլերեն

Մովսիսյան Սերին/ Քուչակի միջնակարգ դպրոց/ - ֆրանսերեն

Անտոնյան Սյուզի /Աշտարակի ավագ դպրոց/ - գերմաներեն

Հովհաննիսյան Մերի /Աշտարակի թիվ 4 հիմնական դպրոց/ - ՀԵՊ

-2018 թվականին ՀՀ Արագածոտնի մարզից ՀՀ բուհերում հայտագրվել է 252 դիմորդ, ընդունվել է 224-ը (88.9 %)՝ 32-ը անվճար, 192-ը վճարովի հիմունքներով:

- Կրթության ազգային ինստիտուտի «Ինֆորմատիկայի և տեղեկատվական տեխնոլոգիաներ» բաժնի և «Կանայք և տեղեկատվական հասարակությունը» ՀԿ-ի կազմակերպած «Աշխարհի խոշորագույն

տեխնոլոգիական ձեռներեցության մրցույթը աղջիկների համար» համաշխարհային մրցույթի արդյունքում Հայաստանի Կարբի գյուղի՝ 5 աղջիկներից բաղկացած «Մեկ քայլ առաջ» թիմը իր ժեստերի հայերեն լեզուն սովորեցնող հավելվածով օգոստոսի 7-11-ը մասնակցել է ԱՄՆ-ի Սիլիկոնե Հովտում անցկացվող «Technovation» միջազգային մրցույթին, «Կրթություն» անվանակարգում հաղթող ճանաչվել և արժանացել «Մարդկանց ընտրություն» մրցանակին: Հայ երիտասարդ աղջիկներից կազմված խումբն ընդգրկվել է Google-ի կազմակերպած Technovation Challenge հավելվածների մրցույթի եզրափակիչ անցած թիմերի թվում՝ հաղթելով հանդիսատեսի համակրանք անվանակարգում: Աշտարակի թիվ 2 հիմնական դպրոցի փոքրահասակների թիմը նվաճեց Գրան պրի մրցանակ:

2018 թվականի հուլիսի 22-29-ը կայացավ ամենամյա «**Սևան Ստարտափ Սամմիթը**»: Սամմիթի ընթացքում Track Battles-ի EduTech անվանակարգում հաղթող ճանաչվեց Աշտարակ քաղաքի աղջիկների թիմի (խմբավար Ն.Մեսրոպյան) ստեղծած 1 of Ս բջջային հավելվածը, որը նախատեսված է աուտիկ երեխաների համար: